

Hlífur sonar.<sup>1</sup> Hana hafði átt fyrr Þóroddr, sonr Tungu-Odds, ok var þeira dóttir Húngerðr, er þar fœddisk upp at Borg með Þorsteini.<sup>2</sup> Jófríðr var skörungr mikill. Þau Þorsteinn áttu mart barna, en þó koma fá við þessa sögu; Skúli var ellstr sona þeira, annarr Kollsveinn, þriðji Egill.<sup>3</sup>

## II. KAPÍTULI

ÉITT sumar er þat sagt, at skip kom af hafi í Gufu-árós. Bergfinnr er nefndr stýrimaðr fyrir skipinu, norrœenn at ætt, auðigr at fé ok heldr við aldr; hann var vitr maðr. Þorsteinn bóndi reið til skips ok réð jafnan mestu, hver kaupstefna var, ok svá var enn.<sup>4</sup> Austmenn vistuðusk,<sup>5</sup> en Þorsteinn tók við stýrimanninum, fyrir því at hann beiddisk þangat. Bergfinnr var fátalaðr of vetrinn, en Þorsteinn veitti honum vel. Austmaðrinn hendi mikit gaman at draumum.

Um várit einn dag rœddi Þorsteinn um við Bergfinn, ef hann vildi riða með honum upp undir Valfell; þar var þá þingstöð þeira Borgfirðinga; en Þorsteini var sagt, at fallnir væri búðarveggir hans. Austmaðrinn

<sup>1</sup> Hér bætir 18 enn við: *Gunnarr hefir bazi vigr verit ok mestr fimleikamaðr verit á Íslandi af búandmönnum, annarr Gunnarr at Hliðarenda, þriðji Steinþórr á Eyri. Jófríðr var átján vetra, er Þorsteinn fekk hennar; hon var ekkja.* Sbr. um þetta Hænsa-Þóris s., 17. kap., Eyrb., 12. kap.

<sup>2</sup> Sjá Landn., 87. og 375. kap.; Egils s., 79. kap., og Hænsa-Þóris s., 17. kap. Egils saga og Hænsa-Þóris saga geta þó ekki Húngerðar.

<sup>3</sup> Í Egils sögu, 79. kap., eru talin upp 10 börn þeirra Þorsteins og Jó-

fríðar, 8 synir og 2 dætur. Aldursröðin á sonum þeirra er þar talin svo: Grímur var elztur, annar Skúli, þriðji Þorgeir, fjórði Kollsveinn, fimmti Hjörleifur, sjötti Halli, sjöundi Egill, áttundi Þórður. Þess ber að geta, að Grímur féll 10 vetra gamall (um 978), og var Skúli því elztur, er Gunnlaugs saga hefst.

<sup>4</sup> Hér er átt við, að Þorsteinn hafi ráðið mestu um verðlag á varningi kaupmanna, sbr. um Tungu-Odd, Hænsa-Þóris s., bls. 8.

<sup>5</sup> hér ok hvar b. v. 557.